

M214W: Speculum ecclesiae W (Fragment M/G T9)

1r,1 trechtines heligen . daz himellriche
1r,2 garneten . mit fastene . mit wachene
1r,3 mit chuschlicheme lebene . mit demovte .
1r,4 mit maneger unsenphte ir
1r,5 libes . un- solten ovch wir unseren
1r,6 lip twingen . fon suntsamen werchen .
1r,7 so geerte wir mines trechtines heligen .
1r,8 un- garneten sine hulde . un-
1r,9 genereten di sele . Sente Iohes des
1r,10 dach wir huto begen . der zoch sich
1r,11 in ein einode . fon den luden . daz
1r,12 er sich deste baz behuten mochte
1r,13 fon aller slahte sunden . do dechein
1r,14 mennesc mite bewollen mach
1r,15 werden . Tes ezzen was ermelich . als
1r,16 er z . in der einode erwerben mochte .
1r,17 Er uermeit den win . un- aller
1r,18 slachte trinchen da dehein suzze ane
1r,19 was . Sin gewant daz wazs unsemphte .
1r,20 uze hare gemachet deme libe .
1r,21 Neheine wnne ne habet er in dirre
1r,22 werlte . Aller sin mut . un- sin gedanc .
1r,23 was mit gote . Taz gotesreth . un- di
1r,24 goteswarheit . di bredeget er armen .

1v,1 un- richen . fursten . un- chunigen . unz
1v,2 an di wile . daz ime ein chunich .
1v,3 hiz daz hovbet abe slahen . Mit sus
1v,4 chetaneme lebene . so garnet er daz
1v,5 himelriche . un- di gotesgnade . Nv
1v,6 sehen an uns selben . ob wir dirre
1v,7 dinge irgen iht begen . Alles des
1v,8 unseren lip gelustet . des ne uerzihe
1v,9 wir me niht . so wir s ferres prengen
1v,10 mugen . un- durch disses churzen
1v,11 libes willen . so uerwirche wir
1v,12 di ewigen gnade . liben lude nv
1v,13 denchet . wi churz dirre lip ist . wi

1v,14 unguwes er ist . mit wi manegen
1v,15 noten dise werlt beuangen ist . un-
1v,16 cheret uweren mut . uon dirre werlte .
1v,17 di wir doch fil unsamphte lazen
1v,18 sulen . wir wollen . odir ne wollen .
1v,19 Nv beuelehet uch huto gemenicliche .
1v,20 deme guten . sente Iohanne
1v,21 mit libe . un- mit sele . daz er iw helfende .
1v,22 un- wegente si . z em almechtigen
1v,23 gote . daz ir der gnaden . niht
1v,24 ferstozen werdet .